

亦有生齋集

亦有生齋集詩卷第二

武進 趙懷玉 億孫

古今體詩

屠維赤奮若下

五君詠

魏敏果象樞

國初致身早首合推蔚州進賢退不肖臣職能兩修旣作直言氣復嚴貪吏糾先後登薦牘嶽嶽皆名流黨援樹方廣彈劾先其尤爲政本諸學布之自優優蘇門與二曲書問勤咨諏況賴李恆岳使免內顧憂始知成偉人德鄰助有由

湯文正賦

尚書非常人正直自天出不求道學名但貴篤其實抱負無
所施空言笑儒術驅車臨潼關軍務勞纖悉南國數封疆于
龍張伯成張伯差可匹淫祠兼墨吏創懲由一律泊入長春官昌言
遭衆嫉謠詠任日增

聖明獨垂卹易名久而定直道歸史筆

李文貞光地

安溪經緯才世重淵涵量蠟九疏機宜鯨窟悉情狀豈唯海
隅安兼作鄉邦障始終列清班教歷爲名相論學義文間致
君堯舜上人技若有之噓枯時使王溝洫力自盡門牆士誰
抗大臣能如公猶未厭衆望顯蒙奪情譏微受掠美謗

陸清獻隴其

夫子今新安鬱爲儒林宗身宰繁劇地化洽絃歌中縱爲上
遊嫉能使薄俗雍泊乎入臺垣氣節陵王公官方在澄清教
孝爰作忠二疏識大經藹然儒者風所嫌訾餘姚不惜全力
攻入主而出奴伐異中黨同不見新建伯彭彭有事功

楊文定名時

維我恭毅公大名炳桑梓澄江有文定實爲公後起學稟安
溪門澤專汧河浹清官亦好官聲譽遍遐邇任久易爲恩道
高每來毀顧茲軍若民奚啻父與子楊公苟受刑我輩有反
耳就中生熟苗感激更帖耳晚節華榮哀完人見終始豈知
忠讜言入告不止此流傳聽諸人顯晦付之史

二老吟

餘姚黃宗義

餘姚近通儒仍世篤忠貞十九雪父冤禁中已知名師收干
城衛鄉賴月旦評然灰清議凜聞鐸先幾明踉蹌還故里整
頓支殘營由江而遡湖屢舉墮垂成亦屬有天幸九死得更
生舟中猶講學海外空乞兵泊乎奉庭闕蕭然守柴荆覽該
經史廣思貫天人精少隨甘陵部老作柴桑氓身後期速朽
葬制援邪卿所惜蟠際才未曾見施行

崑山顧炎武

誰欺匹梨洲亭林實竝時少卽噪復社顧怪而歸奇譚虞雖
屢遭載籍無不窺周流二十年攜書以自隨民生悉利病形
執諍險夷允爲經世業靡忝王者師樞部甫有命吳兵已難

支母兮殉首陽遺訓終身持槐棘各思薦刀緇誓不移南北
五謁陵猶切攀髯悲晚歲樂關中卜築終於斯有甥方鼎貴
客死甘流離徒留著述在羣以淹博推茫茫千百年誰是深
相知

前詩既成題後

不盡高山仰止思偶然振觸遂成詩明知

昭代人才盛文獻徐徵待補遺

同人泛舟蘆墅作

北郭尋秋秋可憐盡收風物入新編自慚生向蘭陵住蘆墅
空閒二十年

歷盡花南更水南斷霞隔浦隱拖藍木犀一片香風裏三雨

人遊大小菴

菱歌緩緩起菱塘翠婉紅嬌別有香
沾得鄰邨新醞到堆盤
輭角好同嘗

養稻還資灌漑勤芄芄千頃望如雲
鄉人爭說儂鄉好高處
田疇占十分

掀頭艇子傍溪隈野陌扶筇去復來
幾日秋光渾錯卻豆花
閒過馬蘭開

茗椀爐熏閒局棋此生消受幾多時
歸途莫便催雙槳好待
今宵月上遲

石門紀遊六首

離垢菴

十笏維摩居結來傍巖麓山鳥時一鳴野花自吐馥登臨謝
冠蓋筍蕨薄梁肉習靜每因境得閒便爲福媿子垢未離衣
塵積盈斛

九陽道院

剝啄叩元關山深接太古道人不能言對客貌樸魯引我登
危梯高下共一俯秋色上鬚眉塵心斷鐘鼓嗟彼城市人擾
擾竟何補

白鶴道院

犬聲出深林一徑白雲冷殘桂散餘芳高松澄遠景到此憺
忘歸邈焉衆慮屏絕澗起秋聲寒潭發深省野鶴招不來夕
陽上西嶺

紫微宮

迢迢蒼山隈巍巍紫微宮駐足此少休造巔纔及中安得綠
玉杖相從采藥翁勞相不成勞譬彼孤飛鴻煮茗聊一憩謾
設來松風

白雲洞

石門天半開砉然斷行蹟古洞白雲封中與人世隔到來詫
奇觀勝境矜創獲挂藤待老猿懸崖走飛颺始知天地寬因
覺闌闌窄我亦謫仙人俛仰渺今昔

茅峯

茅峯峯有三險石互踞踞巖滑徑亦欹欲前屢回步遊侶不
能從頻呼將伯助振衣上千仞放眼空四顧長嘯徹清冥歸

雲落何處回頭望具區一勺向東去

衡山高送黃生

衡山高湘水深爲君翻作衡山吟欲往從之不能去川梁修
阻波淫淫天寒歲晚遊子行遠策馬踟躕去去不返黃生黃
生爾亦豪家無甌石能輕拋風塵擾擾面目不爲寒餓改直
視世間一切青紫如餽醢吸糟去年遊黃山今年臥一室相
逢恨我遲欲別愁君疾浮蹤君作水上萍索處吾慚禪中蟲
洞庭木葉霜初彫女蘿山鬼風蕭蕭天邊魍魎向人笑江聲
日暮鼉鼉驕黃鶴樓頭一吹笛金支翠羽雲中招孫吳曹魏
寂寞不可問但看蒼梧深處旦晚英皇朝男兒具此好身手
快意何須歷三九百年事業等浮漚富貴神仙兩何有君不

見白眼紛紛青眼稀行路之難君信否衡山高湘水深盡此
一杯酒前路稀知音浮雲落日倏分手萬古悠悠此寸心

舟望

硯瓦池頭晚泊船滌場處處識豐年寒蘆一片明如雪莫遣
飛花入鬢邊

曹節婦詩

鴻鴈雲中翱翔鴛鴦戢翼在梁人胡爲兮不若忽中道而參

商一少慕詩書長謝羅縠嬪于名門洵賢且淑二夫子何爲

家傳書倉孺人佐之俾盡力辭章挾策長安結課六堂三云

胡不祿奪我所天義無獨存將從九泉握刀絕吭血淚漣漣

小兒女踰哭咸股栗而不敢前四街鼓夔夔鬼門幽負絕而

復蘇更嚴人定長姑勸之我言子聽縱不惜生而易忘遺命
五解葬親子職婦代營之教子父職母代成之大廈之傾身其
六撐之六解六榮獨軼軻遇亦酷矣田廬子孫報亦足矣嗇此豐彼
亦瞑目矣七解

嘉禾謠三章爲何大令皋鵬

嘉禾生萬寶成一穗五寸九穗一莖邑侯之聲慈且明生嘉
禾侯燕喜把卮飲侯侯盡此歲歲豐亨自茲始

嘉禾長占沃壤紅蓮紫芒聲牙虎掌穀譜之傳信非妄長嘉
禾侯欣欣天公鑒農終歲勤築場納禾禾如雲

嘉禾豐無西東參差龍亞黍稷穆種公堂介壽歌幽風豐嘉
禾侯聽告努力更將明德助猶有窪鄉嗟不足

十月朔日黃秀才

景仁

招飲醉後遊近園作

一年三百六十日百年三萬六千場彭殤不入達者慮閒身
何苦常求忙我愛今朝秦歲首炙轡還思沃清酒氈爐徹去
猶嫌暄對此小春憐寡偶秋心子涪翁孫知我醜醜澆千樽
淋漓時擊燕市筑慘淡欲招楚水魂醉來不辨天地色流珠
九芒眼花黑采鞠籬頭日易斜亂嚼冷香飢不食城北園林
乘興過荒亭古榭遮煙蘿須知看竹不問主箕踞時復歌長
歌須臾雪雲作寒意昏鴉亂挾驚風至歸來寂莫對短檠冷
暖不知明日事

味辛齋聯句

霜節開元冬雲曉感素友言過平原居江陰居紳賢書喜得

稽阮耦庭鞠澹可餐懷玉高文疑卽割忽憶兩楊子

煒紳如

隔三秋久相邀到元亭懷玉共話入談藪工詩駕盧前紳讀

書屏唐後狎每脫形骸懷玉交邪忘杵日夕暝分袂歸紳徑

暗循牆走高朋快合并懷玉幽齋少氛垢拌揮碎塵犀紳欲

覓掃愁帶芳情訊漆膠懷玉雅報失瓊玖

時期洪
蓮不至

空復期蘆

倚紳邈焉隔林阜禦寒乞圍爐懷玉遣興聊鬪酒嚼螯試蠶

食紳吸盞類鯨吼盤餐羞腐儒懷玉卮言倣蒙叟矯如龍破

壁紳縮若魚麗齒豁達披膽肝懷玉精誠結心口允矣保參

辰紳壯哉吞八九俠或舞雙丸懷玉傲不甘五斗燭跋顧爾

僕紳樽空謀諸婦丁丁共圍棋懷玉鳴鳴獨擊缶含情欲寄

誰紳問狂孰如其機心畏木貓懷玉錦字謝芻狗今是昨豈

非紳君然吾詎否問年人在丁懷玉博物山窮西絕俗比癯
仙紳惜陰嘉哲后才名等浮雲懷玉時運或豐蔀處甕醅醺
雞紳象人譏土偶巧聽莫如韓懷玉餽言直欲嘔世途一綫
危紳吾道三緘寸短衣困風塵懷玉半面味妍醜術擬乞壺
公紳身合侍金母人生貴適意懷玉與俗誠何咎但無戟橫
胸紳底須印懸肘少年多公卿懷玉小隱宜畎畝泉明曾荷
鋤紳子雲嗟覆瓿襟期託滄洲懷玉卑睨撼培塿淮陰出敝
袴紳季布居廣柳國士當固窮懷玉鴻聲慮速朽榮枯總難
料紳得失兩何有嚴城柝漸催懷玉遠寺鐘初叩腸恐車輪
迴紳裘想狐貉厚寒雨滴空階懷玉驚飈落虛牖人已違拍
肩謂洪秀紳吟還試叉手品附李郭間懷玉句讓韓孟右母

使晚節凋紳當與名山壽嘉會亦匪常懷玉清宵詎堪負車
笠訂牲盟紳東西任馬首勸茲忠信懷懷玉息彼兒童詬後
日紀詩篇紳亥月歲己丑懷玉

典衣行爲洪秀才

蓮作

客苦寒客衣單客不醉客顏悴客欲覓酒羞囊空呼朋還過
旗亭中亭中小兒知客貧拍手笑客客不嗔客不嗔典衣去
人生痛飲餘莫顧明日拍浮任何處燭花亂落漏正長婆婆
起舞歡未央始知酒力勝於火大地忽變爲春陽朔風城頭
墜霜月孤鴈一聲凍雲裂客歸酒醒僵如鐵

楊秀才

煒煥

招飲賦贈

伏處長如蠹簡蟲羨君兄弟氣如虹已知鄉黨爭排壺誰解

文章官薦雄眼底風花消魄礪竿頭事業薄苓通酒人官便
愁零落定有藏醪尙未空

味辛齋後聯句

宴景方移序霜風乍戒嚴庭堆林葉滿懷玉池印月痕纖坐
處侵書帶眉紳行來側帽簷氈爐思集友洪蓮酒琰欲呼蟾
良讌欣并合懷玉時名畏被漸不知還食蛤紳若笑豈如鹽
刻燭更初二蓮呼盧技每兼韻寧辭競病懷玉言或鬪炎簷
作賦杞從鞠紳掄才梓共枏醉憑青袖浣蓮香漸綠窗燭茗
列龍團品懷玉書標獺祭籤詠諧當一鳳紳氣誼合雙鶴瓊
玖千金報蓮溪山四壁粘頭屏應誤觸懷玉胸石試教礪少
小推雲首紳襟懷企子瞻高談應振嘖蓮狂態思成病誰爽

羊求約

期蔣民部
熊昌不至

懷玉而違鳥鵲占半生交耐久紳十載意

誰忤枉顧南頭阮蓮仍眠北牖潛捷輪蜨易轉懷玉稿識蚘
難廉與物何涇渭紳宗儒任洛瀛寔慚蠶內倚蓮譽仰邑中
駘死咎囊須括懷玉何能髮可鉗舞拌鸚鵡巧紳裘擬驕驕
添賤子年同禹蓮羣公筆授淹各深情款款懷玉自覺喜沾
沾敢以斑窺豹紳要當膽勝蚌茂先矜博物蓮大令善揮鎌
月旦尊吾鄒懷玉風流照里閭醉醒恆病獨紳毀譽總謀僉
牛角看愁篆蓮同根託蔓藪功名歸煮芋懷玉生計恃磨鎌
往往儒冠誤紳行行素履跼地卑終惡濕蓮燠盛詎趨炎守
舍三尸護懷玉居育二豎殲卞和偏屢刖紳司馬竟傷阨識
羨臨淵網蓮機參射雉簾行藏宜卜豫懷玉酬酢貴鳴謙劇

愛參軍短紳因懷學士髯

謂錢進士景進

但能交有道蓮奚復蹟相

嫌位置星辰上懷玉搜羅花草拈隔窗人悄悄紳擁被夜厭
厭板屋雞聲凍蓮茅齋樹影尖忍寒親棐几懷玉拂曉坐紉
簾有句驚青出紳無心到黑甜奇篇撫石鼎蓮新詠薄香奩
佳會頻敲管懷玉塵懷請下砭清樽傾北海紳白日惜西崦
地昔棲鸞樹蓮人今倚玉兼吟殘望朝旭懷玉深隱酒家帘
紳

瑞芝歌爲家秋圃翁

彪詔賦

玉山瑤草金闕精帝命下遣神龍耕仙人寶之長令雲氣護
豈與有根凡卉爭區萌城東有草堂花木靜圖史吾宗八十
三歲翁早賦歸來小隱此扶鳩嬰鑠風骨癯鄧箋百易搜蟲

魚聽譚往事每妮妮燈燼猶作蠅頭書謁來陽和小春日煜
雪雙麟忽呈質始知室陋以德馨地不愛寶斯其徵吾聞芝
有上中下或爲人形或車馬又聞芝有黃紫青誰主貴顯誰
長生七明九光人世不數見安得燕胎鳳腦石鼎長教烹此
芝合爲老人百歲壽況復孫枝繞剡皆敷榮慚余雌伏苦塵
縛甘遜科名杜荀鶴采芝擬逐東園公管領南山好巖壑君
不見甘泉宮函德殿繪圖佳話流傳遍此種合移從絳縣芝
平芝平爾何知梅根託體雨露私人生得壽餘莫問采芝把
酒更爲翁誦芝房詩

得黃秀才

景仁

書和寄懷韻

憶昔別雲溪溪月如霜積無何晏序移念此行遠客忽逢雙

鯉來如其素心席吾道貴要終交情懼深溺飢寒憤驅人日
月不甞息扁舟去湘江相思正遙夕衆口任悠悠私衷常惻
惻和隘詎同趨酸醎本相隔君子慎所投勗哉母苟得

雪意得園字

夕陽初沒凍雲昏梅欲衝寒月減痕此際關山傷獨客幾家
燈火擁清尊鳥呼風集投荒樹犬待人歸吠遠邨炙硯茅齋
吟典冷輸他橐筆賦梁園

初雪屠二

神

洪大

述

過訪用聚星堂韻

虬枝凍裂飛乾葉昨朝臘八今朝雪雪兮久別如故人豁眼
疑空呼快絕有客相招出門去亂撲不知巾角折安得羊羔
酒淺斟要令鶴驚塵先滅強將斗笠遮寒侵遙看青帘被風

掣天邊鴈影低作字池畔冰花碎成纈
竭來清賞繼聚星吾輩雄談驚鋸屑
歸途暝色亂昏雅燈火柴扉正飄瞥呼童炙
硯笑學步好事歐蘇試重說門外怕看三尺深
兩腳縮眠衾似鐵

簡園和陸丈

廣霖

除卻林泉百不知窺園豈下董生帷
廿年潘令閒居志一首泉明歸去辭
身許自如真是福老來漫與只爲詩
慚余少已嫌城市載酒桑麻好趁期

病目口占

模餽未辨霧中花刮待金鑷漫自嗟
判盡是非天亦忌故教青眼障紅紗

偶成

顯者益以富賤者附以貧貧賤身無光富貴腳有春角而傅之翼誰謂大化均何怪趨若鶩炎熱皆因人英雄困蓬茅賈販登薦紳通塞亦偶然已矣甘沉淪

今巧而古拙古智而今愚立身苟自愛人已目爲迂明明設陷阱昧者猶馳驅豈知古忠孝血性生愚夫愚哉安可忽得喪分須臾

士亦尙夫志有能有不能富而果可求執鞭吾豈憎高明鬼瞰室盛衰亦何恆利口成箇夫善治歸聲丞苟遇勝已者奴客當師承浮情懼潛滋小莖慎勿矜

民生日以繁民志日以奢取或較錙銖用如擲泥沙士懷練

葛寒奴厭統緒華回視我生初物力倍徙加奈何收民者但
計利吾家疇日還大醉免此萋楚嗟

生死見交情貴賤交情見平時肝膽豁俄頃睚眦變身顯集
朋僚囊空去親串豈念恩怨殊惟視威福擅尙惜劉孝標絕
交廣未徧

歲暮懷人二十首

管幹珍陽復

管子天下傑誰歟鮑叔知一官憐八口同輩此吾師慷慨離
筵酒淒涼遠道詞他年上臺省莫負素心期

莊斡景炎

莊斡雖云達其如寡賞音探書曾大酉博物到奇王封建追

皋落星辰潮實沈空孤十年讀常畏二毛侵

韓是升東生

清絕小林屋詩人深拚局交隣方外素

君與詩僧
晚峯友善

人在个中

青

君有人在个中
圍繞屋皆竹

萬頃湖先占三秋雨共聽月聲菴畔路遊

展記頻經

顧崇泰景嶽

才名真是累癡絕虎頭風賓客常盈座詩篇日幾筒星橋春
水闊江館臘燈紅舊夢他時續扁舟訪阿蒙

俞大猷安國

象勺相逢日君如俞仲寬遙憐二分月能共幾人看家談青

箱守

王進士
嵩高

朋懷白石餐

鮑舍人
之錄

程暉羣更軼

晉

橫梁據詞

壇

楊望秦敬之

問奇楊子宅載酒鎮相從風雨曾同巷冰霜又杪冬授徒還
適館有母歎尸喪講舍梅花發相思隔幾峯

管世銘緘若

小阮最天真

陽復族子

飄零三黜身交情到爾汝詩義釋君臣

有君

苑柳詩說

雨雪音書少縑緗事業新何時共閭巷尊酒慰征

塵

錢伯坻魯思

迢遞津門道吾懷錢仲文有時灌夫罵恥與噲爲羣夜聽中
山瀑晨看渤海雲南皮嘉會裏屈指孰如君

陸泉重光

陸賈吳閬士初逢是石城中年方得婦新語舊知名抑塞憐

同甫

陳文鍾

風流愛子京

宋思敬

吳孃工按曲共譜繭絲聲

君有繭絲

詞

方薰蘭如

三拜傳三絕相逢總客邊思君隔婁水爲別又經年彈鋏家

何在吹填誼獨賢

君與異母弟甚友愛

最愁青白眼未肯受人憐

莊寶書然乙

颯爽懷莊四衣沾酒墨痕

君工書善酒

炎涼真徧閱慷慨向誰論

親老思千祿飢驅竟出門長安裘馬地面目可長存

屠紳賢書

暨陽屠進士生計只空囊人病嵇康傲吾憐阮籍狂醉恆眠
酒市勇不遜詞場風雪江邨裏裁詩寄草堂

朱培之禹培

不羨遼東豕桃源歲月閒每爲十日飲共對一房山鬬奕枯
杯響裁詩僞體刪秋深曾記訪梧竹拚禪關

君讀書
蕭寺

劉謹之樸夫弟種之存子

孝標復孝綽更重士衡才

陸舍人

援徽省鐘聲靜花塲日影催山

川今契闊車笠昔無猜誰念端居客蓬門沒草萊

林潛哲侯弟曄章侯

羅浮兩處士梅鶴總蕭條遂解離腸怨琴憐爨尾焦送君燕
市早落木楚天遙猶憶金閭路年時共放橈

李華國懋德

牂柯李公子結客盛華年爲愛江南好移家采石邊龜文工

篆法驢背費吟箋

君有塞驢集

怪煞黃梅雨催人別黯然

蔣齊耀敬五

旅食亦匪易才如穎叔稀人真宜雅俗書獨辨纖肥

君工華書

屋誰青眼紅塵換素衣勞勞猶有弟

重

近自海陽歸

朱鴻猷仲嘉

人稱朱萬卷家近小長蘆百折巖巖路

君學人誦繫於蜀

三年鶯脰

湖深情西別句佳話紀遊圖癡叔今何似

君叔上舍方藹

新來倡和

無

黃景仁漢鋪

江夏無雙士長爲汗漫遊詩真泣神鬼氣不下王侯未免依
人苦能無慙慙憂知君才似禰醜酒酹荒洲

金德興雲莊

劇憐小市隱穩住醉鄉廬書愛華亭逸詩追長慶初練裴原
有好紉袴定誰如何日桐華館論文一起予

苦寒行

南荒多苦炎北方多苦寒苦炎瘴不絕苦寒雪不乾黑猿噉
長嘯白鴈孤飛難驅車過層冰策馬迴高巒豈無樓閣居羊
酒忍所惟誰念遠征人萬里風塵艱翩翩貴遊子輕裘跨雕
鞍肉屏列成隊膾炙堆盈盤笳吹忽雷動歌管聞雲端豈知
窮簷中肘露襦不完

戰城南

戰城南陣雲黃白楊衰草何茫茫鬼聲啾啾向人泣往往月
黑聞刀槍鬼勿悲各有死不死疆場死西市爾亦遭逢偶然
耳君不見蘇屬國賞不酬勞羈絕域又不聞李少卿不死
失千秋名丈夫當登伏波壇烏鳶啄肉草血殷虎頭燕頤彼
豪傑玉門乃亦思生還

洗啾啾

詞常俗臘月二十七夜浴謂洗啾啾被除之意也

歲既闌洗啾啾今夕何期臘月廿七啾啾縱可洗癡飲賣誰
愛世間懽懽兒我視如癰疥年年但祝身康強蠲痼滌穢容
相羊微軀此外更何望吟筇收拾湖山光吁嗟世苦不知足
不洗啾啾洗福祿廿六日浴安得清泉萬斛流纏鎖塵心一

滿濯君不見長安素衣易化緇烏不染兮鵲不浴

上章攝提格上

新年遣興

櫪馬林雅夜色闌家家料理薦辛盤人情爭慶豐年雪

元旦雪

諺卜遙符長至乾

諺云乾晴冬至濕新年

富貴祝來原妄誕聰明鞭到

亦婆跚屠蘇飲漸慚居後聚到天倫倍覺歡

濃陰連日壓春光窗外寒梅未有香閉戶何妨聽風雨倚樓漫自計行藏南荒佇慶烽煙靖

北闕爭觀棧樸光聞道

繅興臨渤海無才敢便獻長楊

用拙端居歲遞加硯田牢落感生涯讀書志遜蘇明允拜爵

榮慚鄧仲華，蹇足甘輸由。徑走清臚，可使播糠遮。余時患目且有足疾

問年忽憶靈均降，宛宛光陰赴壑蛇。

夜過天竺寺

興到每孤往，況茲皎月升。疎林遞清磬，深寺隱禪燈。色相仍觀我，榮枯莫問僧。徘徊成小憩，已使萬緣澄。

陳節母徐孺人八十詩

少小事交遊，自慚下中質。泊逢陳孟公，肝膽兩相結。同舟或連宵，下榻輒旬日。轉眼十餘年，飄零各蓬華。氣短自低徊，談深到嗚咽。自言不得志，先德猶能說。少侍文學君，丹鉛弗遑逸。束髮爲孤兒，終天恨難竭。賴有母氏賢，寸心常百折。屢勉供壺鹽，辛勤教咕嚕。夜寒手屢皸，燈殘淚凝血。荏苒母尸饗。

辛勤子授室井曰庶服勞菽水稍堪悅高堂幸康強壽已躋
大耋所恨守遺編未能光世閥王粲愧依人梁鴻恥困熱乞
子賦新篇以之彰苦節吾聞司成公名壽正德中官祭酒曾劾劉瑾先朝誦
風烈又聞澗上風爲儒人之先爲高士坊西山志薇蕨兩家竝清門閭卹
播聲潔但得熾而昌愈彼補與黻竭來添壽辰春風紀嘉月
映簷桃始華繞砌蘭爭茁侑觴無膚詞才遲慚擊鉢

上巳日展先都轉府君墓

重來墓道驚春暮瞥眼風光三月三桃放好花都屋北柳藏
深色半溪南廿年舊夢吾能說一卷遺文孰共參家事宦情
身後恨平生辛苦亦空擔

送王明經

朝鼎

歸京口

耳食亦已久相逢我仰憐始知名士重不負衆人傳月在溪
迎樹風催江上船如逢鮑明遠之鍾爲道憶經年

清明後二日同管大世銘洪大遵泛舟白雲渡遊艤舟亭

時管將北行兼懷令叔幹參作全用十五咸韻

雕梁乳燕聲呢喃新晴初試青莎衫有客相邀駕輕舫微風
底用張蒲帆菜花十里金片片岸柳千葉眉影影春波屈曲
尋我去城東亭子遮筠杉到園風景雅不惡僧廬位置精而
嚴楊花著水魚競咬梅子如豆禽爭餽引入是處都入勝海
棠院落桃花茁風流玉局渺千載研池三字空彫剗買田陽
羨身世阨口舌乃亦遭譏讒始知才人百不可吾道端合金
人緘丈夫慷慨崇氣節有志可鼓三軍健摩空擊欲學健隼

作窟狻已輸秋幾雲牛雲馬任反覆赤手直擬迴天撓不然
蒲團偶遊戲雨花悟石離蒙凡人生得意泯通塞對客那用
矜頭銜憐予結習未能去痼疾敢繼田遊巖頗怪世人失真
趣有似杞柳戕爲械此行勝侶總莫逆機心不設辭張巖拍
肩仙骨豈瑣瑣割席高行何巉巖文章交道兩相矢追琢有
類工師監無衣三復期共濟鬼神可格惟和誠旨哉平仲有
前志君淡濟以臣如鹹就中管子倏言別馬首將北行颿颿
傷春送客各無賴心旌搖曳如風繆清癯吾豈肉食相嬰鏢
自顧輪猿獬蝸盧鬱鬱甘跼守羨君大字磨崖嵌偶爾封侯
賤李蔡居然抑志推渾瑊故人遠在冀之北初春雙鯉來空
函爲言薄宦告終窶塵風上面衣梅臠腐儒粗糲本極樂陸

網雉兔波生鹹煮茶松子借作炭培花細土團爲杓養機息
影半日坐一切障惱都夷芟長卿羞貧歎四壁少陵託命愁
長鑷放翁達者老解事但以護筍憎妻饑尋盟鳳已狎鷗鷺
大力猶欲欺麤麤三人倚語排兩晉善戲不虐何妨詰談深
漸覺日西下昏雅呼宿投高機出門暮色起歸興涼颼颼颼
鳴前摻歸舟篷底角奇韻異響謂可參英威舉頭皎月恰初
上一鉤眉嫵垂纖纖

送管大

世銘

憶昔傾蓋時相逢已嫌暮憐才亮予慙起嫉由衆媢挾策走
風塵流光換霜露君今已三黜我亦遲一顧竭來聚江鄉飛
觴更敲句說詩蒲三唐探書窮四庫張膽破然疑拓胸藏掌

故何期忽分張離合誠有數分手復踟躕垂楊暗岐路

淺草換野色嬌禽弄好音東風逐愁來暗與離懷侵遊子賦
遠役慷慨奏長吟何如漸離策孰奏中散琴班馬鳴蕭蕭落
日關城陰欲識情寄處桃花潭水深

作客苦踟涼良朋卽眷屬之子有同舟誼本如推轂邨店晝
傾醪篷窗夜刻燭峩峩鐵甕城隔江峙浮玉勝侶幾流連春
光正繁縟詩酒總關心山川供極目後夜互相思孤帆何處
宿

峩峩黃金臺坦坦長安道冠蓋旣紛紛輪蹄亦擾擾公卿多
少年所貴致身早恣睢丞相噴辛苦侯門掃枉尺雖直尋失
多補者少不見槿有華朝榮夕枯槁主父五鼎食其志在溫

飽堅豈移硜硜白應全皜皜窮達亦偶然榮名以爲寶

取德歌采葑攻玉他山石羨君特達器顧許武夫質雄飛空
企溫解擯嗟同臺此意只自怡甘爲不知絀行蹤旣已乖肝
膽向誰述局趣媿轅駒見聞嗟禪蝨但保利斷金要終允貞
吉

雲窩十景詩追和先都轉元韻

宮牆柏影

黛色衡門外園橋柏影中三遷仁者里雙樹宋臣風作釀還
資葉充飢不數叢託根原自異淳氣竝梧桐

王逸書木有扶桑梧桐松柏竝

受淳氣矣

隔岸曉鐘

晏公祠畔住侵曉便聞鐘孤艇人初起高樓睡正濃
聲流雲杳靄煙破柳惺忪
長觸憐身世名山何日逢

柳塘春漲

春來新漲闊柳色映迴塘
幾曲無心綠千條著意黃
曉風歌北宋羌笛怨西涼
極目多遙思蒼茫儼望洋

秋雨歸航

幾簇人家外孤帆帶雨歸
蕭疎穿樹影淅瀝響荷衣
呼宿雅爭集謀梁鴈正飛
篙師頻指點趁溜過漁磯

溪閣觀魚

潛鱗紛可數俯瞰白雲溪
飛敢追溟北遊真在硯
西釣淵鮮可食知樂物能齊
任昉風流渺持綸事業低

春林鳥語

亦知隨候變，睨阮覓知音。集樹聲初遠，藏身谷本深。爾應傷口舌，我獨感升沉。解得陶潛意，歡然別有心。

灣潭印月

入夜憑闌獨，徐看月映灣。龍吟橫鐵管，星影落金環。彷彿三潭外，沿緣一葦間。但能長占此，鼓柁總蕭閒。

雙橋夕照

環屋波如帶，東西跨兩橋。弓分秦代月，柳拂楚宮腰。返照輝相映，通波路不遙。卽須頻待涉，好友幾招邀。

雲尖步雪

蒼屐冒寒去，飛甕正灑簷。黑貂誰最敝，白屋我無嫌。徑僻稀

人到衣單有絮添歸來沽酒掃室待明蟾

鄰圃蔬香

抱甕眞慚拙膏粱我不如禦冬謀旨蓄學圃羨鄰居晚食懷
高躅先人有散廬壅鹹清德在一飽事無餘

晚步白雲渡

野色蒼然來徘徊日云暮人生幾兩屐同輩此間步遠火細
明樓昏雅亂歸樹結廬在前溪十年老蟬蝨溪上白雲深笑
指吾家住頗無車馬喧雅有朋交素印須期其濟利涉間前
路結網亦何心褰裳自洄溯待月月未升清風起官渡

送蔣戶部

熊昌入都

早歲歸來賦遂初擬封三徑著叢書久知饘粥無長策何意

風塵促短車。湖右湖山思阮屐。園東花鳥戀潘輿。知君後夜
多鄉夢。好報平安慰倚闌。

此身何必計升沉。鐘鼎林泉一轍尋。未免有情真俗解。不因
人熱慎初心。幾商出處尊吾道。且喜班行得賞音。謂裴民部直方早
晚

詔書除諫職。蒼生延頸。

主恩深。

過佛華禪院

寺近虎邱舊有周忠介小雲棲額俗稱小元墓

輕舟繫處日沉西。一逕濃陰萬木齊。佳勝共傳雙鄧尉。蒼茫
誰憶小雲棲。片時鐘鼓消塵夢。異代風波感舊題。咫尺山塘
歌舞地。幾人閒屐到前溪。

舟行

幾折清流野色蒼
榜人遙指是桐鄉
驚心蠶事今年減
老卻城南萬樹桑

擁書閣十詠與仲舅同作

北禪香市

古寺當地偏
妙香發深省
眼底爲誰忙
紛紛集人影

古塔晴雲

鳥語和鈴語
因風半入雲
畫圖金碧裏
指點李將軍

春城夕照

破楚門東路
城荒半夕陽
我來增悵望
不獨爲春光

晚寺鐘聲

隔溪有精藍薄暮鐘聲動雨歇起微涼幽人破清夢

野圃蔬香

平生耐壺粥甲第任膏粱識得此中味始知別有香

北郭歸帆

歷歷窗中帆遙從林角去夕暝風雨來煙深不知處

戴溪月色

古人日以遠斗酒空邀月月明不照心彈琴一再歇

雙沼荷風

荷風十里香荷葉千層綠不見采蓮人空傳采蓮曲

秋原穫稻

頻年嗟旱潦農事最關心瞥見黃雲積郊原秋已深

陽山積雪

遙山雪未消高閣春猶早野燒幾時青東風連日掃

子 昶

姪學彭校字

亦有生齋集詩卷第二

亦有生齋集詩卷二

三

亦有生齋集詩卷第三

武進 趙懷玉 億孫

古今體詩

上章攝提格下

閏五日

冰糲罷設寶符收天遣榴花特地畱
百日中秋仍屈指九年舊夢一回頭
壬午亦閏五日頻驚旅館逢佳節聞道江鄉續勝遊
我亦黃楊憐厄閏朱門蒿艾任沉浮

晚眺卽景

點點流螢出草根芒鞋蹋露濕沾痕
女牆幾尺不遮月淺水一灣迴抱門
閒裏琴書聊自遣夢中猿鶴向誰論
清輝易作

西巖望莫負空齋濁酒尊

桐川客舍聞秋圃翁訃志哀四首

連宵惡夢總蒼茫客館驚傳大雅亡三晉關河留舊蔭百年
文獻重維桑去思身後知還在托業名山合早藏太息吾宗
誰論定幾人學術更循良

卅載林泉送此身高曾矩矱見天真明誠好古羅金石千寶

搜奇到鬼神

翁著有神語鬼語

蒜髮八旬曾老健榮哇十畝自清貧

何因晚歲偏多恨盼斷瀟湘六六鱗

翁有子客楚

逢人白眼最憐翁拓落如余獨許同舊夢半灰餘老淚新交

如葉感秋風紫芝縱產年難續

去年芝產于翁所居室邀同人作瑞芝歌紀事

綠雪

軒名翁著書處

重開楊已空莫過城東釣游地夕陽門巷冷丹楓

匡牀風雪語分明轉眼年華又一更豈意別懷剛兩月竟符
前讖隔三生客冬歲盡翁病幾危與余執手訣曰當于三生石上逢矣榴花長作傷心色
蕉雨難禁破夢聲咫尺鄉關違舍歛薤歌遙唱不勝情

重過煙雨樓

夕陽返照雨初收重對西風舊日秋記得停舟烏柏下四年
前向此經游

明湖樓閣鏡中居蹤跡平生羨老漁但占菱塘三十頃千金
何必計然書

仲宣賦本工愁客秋思還兼別思雙今夜桐華溪上雨何人
剪燭聽西牕

是處共傳煙雨名處州何似沔州城此樓獨攬秀州秀壓倒

衆樓莫敢爭

酒舸漁竿日往還
鷺鷥兩兩水灣環
樓頭四面宜朝夕
只欠東南一角山

曉發

曉發京江口
揚舲指石頭
客心悲素節
吾道合扁舟
風急全欺狹
江寬易得秋
浮蹤寄鷗鳥
惆悵此頻游

江夜

入暮濤聲壯
明蟾已到牕
六朝餘舊壘
千嶂合空江
斷角臨風咽
孤燈與客雙
愁心似潮水
終夕不能降

登燕子磯

江流拍拍噴危磯
秋風動石石欲飛
行人繫纜曉日上
清露

樹頭猶未晞芒鞋踏露苔痕淺拊翼攀翎凌絕巘道人導我
進峰陰秋色滿山幽徑轉危亭獨立望蒼茫江勢涵秋山勢
長風急沙頭落孤鶩影移檻外集征航登臨棖觸興亡思鷗
鷺不知人世事古碣摩挲二百年依稀猶認前朝字壁有湛甘泉碑
到眼江天一望收六朝舊事付滄流還有高飛北來燕金川
容易失神州

遊永濟寺

初日下燕磯秋煙破鷗沼循山得寺古入戶知徑杳地少浮
塵侵人無俗緣掇斗然綠玉屏倒插霄漢表乍改耳目觀徐
驚斧鑿巧山色藏樓頭江聲出樹杪合體抱木石幽鳴雜禽
鳥庭前貝多羅移植自海島閱歷幾滄桑扶疎不知老基從

典午創功訝五丁造茲游策倦力有客同幽討極目荻蘆洲
滄波空浩渺

紀游七洞詩

十笏龍從絕厰生引人入勝此初桃津頭豈有漁郎到畢竟
仙源浪得名

仙源

崎嶇路折兩三盤草滴流泉未肯乾自是炎塵飛不到陰崖

六月豔生寒

上台

中台洞擬上台深好勝重煩屢屐尋跌坐不知斜日下此中

已足滌塵心

中台

舉頭山半碧然開曳杖登臨費往來一白騎盤道人去秋風

鱗甲長芽苔

鰲魚

瓏玲怪石問誰穿
仙鳥驚飛不記年
此是洞天真面目
幾時卜築亂雲邊

三台

石屏滑笏嶂攢青
闕處渾疑玉笥形
此地別藏仙笈在
世人空解讀黃庭

玉笥

山徑全荒少客過
野人拾草有眠窩
畱題當日誰遺此
爲補嘉名喚海螺

此洞舊本無名以其形似遂跋補之

海螺

山行

夕陽茅舍最清幽
短笛雛童慣跨牛
正是山家風日好
瓠囊千樹綻甜榴

居人生計只樵蘇
健婦還攜鴉背麤
有地不知收芋栗
閑田爭種淡巴菰

泊水西門外

白下城西路重來已九年有情山似識無恙月仍圓清思生

遙夜羈情動客船共深漂泊感誰解贈綈賢

時隣舟有阜寧人攜家赴皖所

投不遇妻兒啼號可憫爲助資以歸

和黃大

景仁

匆匆溯水轉征橈布鞵相逢長板橋花雨幾穿經院屐松風
曾逐孝陵樵樓頭書劍悲王粲天上星辰應伍喬自咲病餘
心不繫也增歸思趁江湖

歸舟

又理歸裝入短篷孤帆趁溜過江東西風幾尺浪花白夕照
滿山樹影紅伏櫪有心嗟病馬啣蘆無力媿征鴻憑君莫羨

封侯貴李蔡由來列下中

三板橋晤蔣民部

呂蒙城下正斜曛雙槳來迎意獨勤敢謂天心能玉汝

君語予如

此不忘旅病最銘君談深出處分張易話到人琴涕淚紛

時得

廣平明日中秋揚子月江南江北客愁分

哭錢進士

琬

天意誠難問斯人斯疾終里碑今不改吾道適丁窮品合居
文苑才應續史通年年鳴鵠裏揮淚對西風

辛苦功名晚驅馳南北身中年憐少子遠道隔衰親病久偏
餘我交深剩幾人向平猶有願無那是長貧

待虛金馬詔修竟玉樓文遠別難憑斂方歸便哭君園碁會

功有生亦集言卷三 五

賭墅角酒各張軍君若在能品太息身名盡空期沒世聞

猛虎行

天目山前惡林藪行人夜深不敢走近來猛虎占山均月黑
天陰發狂吼赤狐盧犬作爪牙助威煽虐紛如麻始知猛虎
有三窟不管野哭聞千家豈無鹿兔馴低頭任樵采紛紛獸
爭欺風雪啼飢餒天道從來肯助仁仁者何屈虐者信雷霆
亦畏弓弩卻禍福顛倒惟鬼神猛虎去居民聚猛虎來居民
哀虎兮虎兮去復回去而復至胡爲哉虎兮虎兮慎勿喜會
常寢汝皮拔汝齒君不見南山射虎李將軍夜半歸來石飲
矢

遊仙行

玉樓金闕空中明迴翔其境爲真鄉絳桃赤棗列左右竊食
往往偷長生蓬萊十丈不可上進者或登退者望到眼都嫌
肉食流何人始是餐霞相浮邱袂洪崖肩此中亦自分班聯
人間天上各相護蘭形要骨皆神僊噫吁嘻文成佐漢功誰
比身退思從赤松子白雲有日歸帝鄉辟穀還丹皆妄耳八
公草木光輝多淮王拔宅雲中過罡風天牛易回掣雞犬紛
紛奈爾何

薤露歌

松栢已屢摧陵谷亦遞遷昨日大官墓今日村夫田
愚者謀當前達人慮身後寂寞俱千秋長星一杯酒
吳童冤

吳江城高矗羈民之無良聚爲族小兒往往恣摧殘父母聞之不敢哭縣官單騎收諸兇肢殘骨斷哀兒童生者那可續死者狼籍餅壘中縣官怒究根株始三窟蟠根連淞水飛檄交馳大吏聞淞人欲生吳欲死此事傳聞吾未睹人縱可欺天亦怒明律難寬兩觀誅渠魁僅遣三邊戍可憐縣官民覆翼一朝反被交章劾原情幸有

聖明知九重特下除官救獨有吳童身莫贖牧民之義今安屬同是提攜捧負恩忍令

盛世遭魚肉君不見東海灘頭濁浪奔靈旗翻處祀抽筋天中蒲酒中秋月歲歲祠前賽侶雲

五馬來

五馬來來建康兒童擁彗迎道旁使君下車甘雨沛民之望
君如望歲道捐供帳煩市少魚鹽稅高牙大蠹憲府凜然大
官呼太守太守不肖前大官畏君亦斂志何況區區虎狼吏
天生強項豈因人黃閣朱門非所恃強勿喜弱勿悲不畏大
官怒但畏太守微行知朝來太守右遷去夾道攀轅遮不住
始知廉吏亦可爲但願飲泉心侶故雞鳴山高江水深去思
長永吳民心紛紛冠蓋後來者寄語請聽五馬吟

讀竊憤錄

宋家忠厚締圖難天道從來說好還莫咲靖康終辱國執梟
雪恥有厓山

夜夢錢八

環

執手道故有黯然之色

豈是夫容別有城無端疑死忽疑生應憐別後吞聲苦冷月
寒應慰此情

同人集一簣山房分得曠字

落日小長蘆扁舟帶水漾得勝符遐情同心慙幽訪君家兄
弟賢使我形骸忘羣從皆封胡主人齊治沆入門晷寒暄執
手喜無恙高齋盡朋簪列坐殊輩行一簣頗瓏玲十笏不表
廣遲探二酉藏試出初辛釀園蔬濟以鹹野肴得其醬杯盤
半狼籍吐屬恣酣放酒陣方縱橫詞壇看跌宕會應繼真率
居本近廉讓但得從所歡宜嫌衆嗤妄博古宣和前論詩大
歷上法上僅得中斯言不苦誰求倦咲爰基讀書懷顧況郡
應乞酒泉封豈邀博浪解嘲味予白齊物均得喪儒冠異純

誇志士甘塵埃我本菰中人頗無肉食相所期在千秋不須
嗟一劍高譚漏漸深久坐神逾旺斜月已一庭荒雞又三唱
起視星斗稀霜天曉清曠

訪薛布衣

廷文

葉落鴈聲急荒庄叩短扉欣然一相見古處侶君稀泉石畱
詩卷風塵老布衣梅花溪盡處未許過輕肥

過石佛菴

寺近漸聞鐘村煙一徑濃釀陰成細雨飛翠落寒窠鑿石何
年始尋幽到處逢邇來航寂寞方外易連蹤

冒雨同南上人遊天香菴觀宋梅

村荒無人跡一雨乃不止忻然尋幽栖那惜折屐齒墜農喜

逢迎山僧勞點指古塚不知年老梅因號里蒼茫閱代謝云
自慶歷始豈無耳目觀榮華賤桃李物以僻處全色爲識者
鄙摩挲三太息人弃我則喜策杖覓歸途弄川黑雲起

南宋宮人墓

在梅里俗傳南宋時王妃時卿雲墓人上其塚有鈴聲
響應又名響鈴墳

紈扇珠襦一夕捐松楸今屬野人田可憐委玉埋香日已是
殘山剩水年

玉勾一樣怨秋螢此地猶傳有響鈴絕勝寒瓊拾幽草西陵
夜夜哭冬青

酬郭鳳

息壤他年約因君感此生詩篇酬宿業菽粟見真情架屋如
舟小疏泉繞圃清築塲畱隙地吾亦願從耕

酬金標

我初客桐川卽知有養真

金自號

經今已五載含意始一伸長

身玉立氣恍爽蘭者臭味梅精神不知寒暄有世態樸率疑
是柴桑民引我茅堂中坐我竹籬下高視凌朋儕清談祖風
雅談深出視新詩篇洗髓伐毛和者寡謂余同調投予詩趨
向與俗殊風馬論詩如論心相知性情不見胡庸辭聲牙詰
屈適文陋貌侶盤詰中澆漓君曾不我咍頗恨遲見面導游
天香菴同憩石佛院天寒日暮彤雲愁朔風一夜催歸舟何
時重鼓梅里棹尊酒對牀聯舊遊

雨中游當湖望弄珠樓不得上

滿湖雨氣望中連，咫尺煙波便各天。載酒客來孤宿願，弄珠

人去憶當年。十杉且喜環成蔭，

平湖有十杉亭，子居人別業也。三百金可得，余擬買之。

雙屐何辭踏欲穿。卻怪罡風多敗興，幾番引得海槎還。

時擬游乍

浦諸山未果

雪中過高氏清陰堂觀米海嶽硯山歌

南唐石入南宮手，奇物因緣信非偶。銘字猶存寶晉齋，問是

何年落星斗。一峯高出環五峯，森森六朶青芙蓉。潏然疑有

雨，欲滴缺處似覺雲常封。可憐摩挲不到老，海岳菴荒長秋

草。此山漂泊江之南，勝得阿章詩畫稿。

元章有硯山圖及詩。

茫茫舊事

七百年，朱門華屋凡幾遷。高家舊事雅好古，居然世守今三

傳我來風雪當湖暮主人置酒畱賓佳錦囊髮匣出座中
佛光從虹月吐吾聞價直千黃金千金豈必山知音但期得
所卽無憾那必長使歸清吟古來器各以人重歐陽硯亦充
官貢

歐陽公有南唐官硯

黨碑書並君謨工論者不與蘇黃同

朱買臣墓

漢宮一夕對春秋食報窮經畫錦游富貴不誇休責爾勲名
難沒在平甌丈夫未免生妻去英主終爲死吏謀地下結隣
莊助近也將僚壻記恩讐

晚游惠山寺

回首斜陽海湧邊九龍山色鎖蒼煙歸情一一都堪志纔買
梅花又載泉

重光單闕

元日題錢孝廉

維喬

畫梅兼送北上

少陽用事寒威折，鵬月江城少風雪。
一枝盼斷驛使來，君客東臯我遊淞。
我還君亦乘歸槎，相思對面如天涯。
出門訪君雨不止，木牀濕漉身如蝸。
衣塵十斛敗人意，搜索枯腸無隻字。
孤山鄧尉尺咫間，我欲從之徒夢寐。
故人雅興託清友，逋僊心事華光手。
畫眉餘事更畫梅，時君新昏綴出妍姿非老醜。
憐余寂寞雲灣濱，特教紫萼開吟尊。
高齋素壁忽一顧，仿佛月上牆東痕。
昨宵斗柄乍東轉，葦索桃符風日暖。
幾枝鶴膝傍簾香，半幅鸞溪向牕展。
憶昨吳門泛輕櫂，山塘梅信先春報。
冷香七里夜不散，月下美人紛衣縞。
天公與梅何所私，一花

遲速亦判時暄寒世事每如此安必徧地生南枝
蜩來東風大有力主持衆花能盡職春光轉眼到
長安桃李滿蹊都變色題詩東閣佇君才傾者覆
之栽者培但持鐵石廣平志眼看百花皆後開此
圖珍重如瓊玖何以報之詩一省他時記取證
壽盟歲寒臭味如今否

哭伯姑

我昔病金臺百日纔扶牀阿姑繼余疾二豎纏膏肓涼秋八
九月朔鴈皆南翔姑聞我欲歸執手涕沾裳余時謂阿姑小
別庸何傷口雖聊相慰心竊疑不祥從茲隔山川兩度移星
霜間得日邊書並言眠食康豈期事多乖骨肉長參商一
蹶竟不起藥餌何曾嘗計至難卒讀北望摧心腸靈輜何時歸

母怯河與梁有兒纔舞勺有女髮未長翟裼賁九京徒爲泉
下光

題畢山人 滙畫冊

一丸破墨寫雲根點點蒼松帶濕痕莫向旁人乞生活君家

畫法有黃門

唐畢宏工畫
松石官給事

送族祖 永錫 官間

吾祖監司日翁方強仕年回頭經卅載話舊歷三傳伏櫪心
難置依人跡屢遷此行酬宿志慎莫悵華顛

薄宦天涯去應憐仕爲貧帆開漳海月花發閩山春家法承
清白高懷喜率真到官應念否小子尙風塵

題安平泉用東坡韻

千林密處有真源鑿井成丹事渺然地喜無人隣古寺碑徵
好事紀當年舊有東坡詩碣歲久而廢明沈一先集蘇書刊石於壁偶清塵耳渾忘暑
纔愜澄懷便欲仙釋子不知風雅貴漫將俗筆累名泉

王太守

文治

招飲西湖

訪舊西泠意倍親把杯行樂各天真重來好續三年夢相見
欣餘萬里身君自滇南歸人似蓮花還解語湖如越女乍開顰香
山詩句眉山筆寂莫君應繼後塵

蠻煙瘴雨幾秋天許閒身到黑頭慧業神仙參位置名山
月旦屬甄收碧筒每作藏鉤飲白苧頻教按拍謳歸去總宜
艇子緩嚴城市火已明樓

夜登紫陽山頂

功在生靈
卷三
十二
峯頂一月上下方萬象澄道人清興發曳杖邀同升位依重
坎立手可列宿憑寒潮接東海遠火明西興天風颯然來暑
氣弗敢乘安得剡溪船徑訪大禹陵

張中丞廟

慟哭辛元豈有靈南雷竟死賀蘭生天心予奪爭三日唐社
安危恃一城雀鼠何知同國運江淮終古見民情敬宗孫子
睢陽守誰築荒祠配阿兄

春申君墓道

種玉誰爲計奇功垂老傾更無餘屋祭剩有此山名遠浦西
黃姓寒江帶楚聲紛紛珠履外遺恨失朱英

三公祠

昨夜降幡出建康孤臣無計挽蒼蒼同心抗命二三子攜手
朝天十七皇豈有遺民歌樂府還畱荒土作祠堂英靈咫尺
誰同調千載睢陽與暨陽

秦淮水榭次韻贈王明經

鼎

話到名場結習消如君舊侶已寥寥幾年夢隔江湖影千里
人連風雨朝何日金臺能買骨此來白下合題橋尋詩游興
知猶背天闕雞籠莫厭迢

木末亭拜方正學先生像

十族言非一死心豈容此際略沉吟
展前有詔空師古木末
遺禍尙到今孺子可爲嗟失計高皇不用豈知音孤墳埋碧
人爭弔誰問長陵秋草深

景忠烈公祠

忠義一時盡委蛇獨在庭死能爲厲鬼生已動精星許結麻
衣伴何傷瓜蔓刑

宸章甫異代浩氣塞蒼冥

雨花臺

聞道雲光此說經山容未改六朝青再呼莫獻臺城食誰同
天厨更乞靈

清涼山

路入翠微遠危亭俯大荒江山分擁抱日月此清涼石磴西
人憩香燈禮佛忙歸來愁落照雙槩候前塘

泛舟蘆花二首

北郭秋來事總宜
游人爭唱采菱詩
紫莖綠葉秋風裏
歲歲拏舟是此時

連宵雨逐野菱生
弟是雞頭藕作兄
今歲桂香寒禁住
滿籬只有豆花明

楚人爭學賈平章
天寶牙籠事擅場
偏是草根吟不穩
雄心到此便難忘

輓陳明經

峻惠

微名容易誤艸艸
送斯人有婦猶憐少
無兒況苦貧對牀三
月夢把酒五年春
回首吳山別蒼黃境不真

冬至前一夕宿桐華館

崢嶸短至客中過
香散黃梅入酒螺
天爲久晴初放雨
人餘

結習且高歌遠書乍喜征鴻到

時得方蘭坻書

鄰笛頻傷宿草多

謂錢

進士伯璵陳明經峻德

今夜夜長寒更緊燒燈莫惜醉顏酡

將遊虎林楊秀才

謙

以詩爲餞次韻答別

珠璣字字墨花凝送我錢塘望禹陵得句大都黃葉底有山

休計白雲層頻游蹤跡憐今歲多病心情比定僧欲向雲栖

尋舊夢可容擁被共禪燈

擁被向禪燈丁亥宿雲栖句也

游韜光作

夢中未識名山路兩度西泠等閒誤今年臘月北風狂吹我
湖堤三宿佳向禽有願及此償策騎直入深青蒼山高徑仄
不容轡手挽蘿葛升崇岡夾道植藥色如洗一片琤琮聲在
耳清泉百道繞山來隨我芒屨不知止忽然金碧排當中雲

岑霞觀飛晴空諸峯到此盡羅伏不敢障眼蓬瀛東海日江
湖自今昔趙帝錢王幾荆棘此山獨遠繁華中看徧昆明劫
灰黑韜光地本如其名樹密更晦山真形樂天已往吾同情
偶來意欲終平生

游韜光渴甚小憩金蓮池上向山僧索茶適壁間香山詩
有茶字遂用其韻

小坐明池側浮蹤卽是家水清魚入定山古樹無花文字難
除障薰修近茁芽閒賡白傅詠且喫趙州茶

湖堤歸興

暝色入林薄遙山拚暮青呼風雅陣冷蹋葉馬蹄輕小住真
爲福勞生我已醒詠茹何日遂應乞水仙靈

湖樓對霧作

青山日相識咫尺忽不見譬如越溪女以彼紗蒙面湖氣吞
遠空水天渾莫辨微聞欸乃聲漸出紆迴岸山靈忌刻露有
時去華綯不知韜晦心反增時俗眩開冬苦久晴安得霏流
霰曉起對寒窗拂箋呵鐱研

晚步孤山尋林處士墓

空山稀人聲敗葉下如雨梁依洲流分亭帶樹色古尋墓入
荒寒褰衣涉深阻蒼茫千古心豈莫一抔土梅死鶴不歸處
士魂何許

保俶寺

霧來湖山醉霧去湖山醒尋幽趁初暖學侶宜新晴天空稀

鳥雀增古藏精靈名藍居最勝寺有張卽之湖山最勝額遺翰畱前型石
危絕無傍風動恒憂傾周遭豁眺望遠近排林坳浮雲起兩
足欲去增遙情

張節婦詩

物生墮地時陰陽氣分受窮迺顯其操境必歷以久往往士
懷貞不如巾幗守所以柏舟詩列彼關雎後賢哉張氏媛令
德堪箕帚二十事尊章菽水逾旨酒山有連理枝水有鴛鴦
偶中道忽摧殘撫心空欲剖鞠子兼父師營家瘁手口星霜
五十易居然享眉壽旌辭綽楔榮

賜荷繒繡厚里人謂余言子宜錫瓊玖聞此三太息唯唯復

否否吾家尙書公旌門有佳婦

從曾祖母白孺人恭

建坊復有題

清芬蹉跎思速朽從祖母張徐兩孺人皆苦節待旌揚善先失親撫躬難諉

咎握管耿寸衷霜風潛入牖

元默執徐上

歲朝立春

打春鞭喧爭爆竹入屋東風澹銀燭沉沉銅漏五更止一縷
晨光白於水依稀闔闔羣神朝帝排鸞輅蒼龍驕元君八輪
駕三素紫綠白雲飛不住幡移斗轉六六時冬心枯槁春心
肥層蘇長命一杯酒蒿青韭黃紛入口百年未半忽兩逢乾隆
甲戌亦歲朝立春奇靡無等嘆天公勾芒執簡軒轅笑吾亦奉行豈
君料六街車馬聲隆隆洞房如願春睡濃

夢登華山

蓮花千葉削作田春雲萬頃鋪著天靈芝瑤草不收拾癡龍
嬾耕白晝眠身如輕禽傳以羽手拍洪崖颯然舉星辰歷歷
在眉宇十指觸天天逗雨仙人掌中苔色斑玉女卻怪頭盆
乾蒼松五粒化已盡琥珀照眼光團圓潼關一尺低橫地漢
蟻唐蜂集如寄千秋萬歲颺劫灰并入嬴家鮑魚氣回頭忽
失希夷蹤咫尺帝座難爲通緇枯索朽願終老痛哭翻笑昌
黎公罡風吹衣成小謫歸路羊腸五千直耳中瀑布聲未終
春雨沈沈曉牕白

和劉二

種之

過訪味辛齋韻

十笏維摩願未虛偶移泉石綴軒除暄寒世味徒紛爾鹽水
交情早判如最喜異書容借到難忘苦句得吟初多君曾嚼

紅綾餅粗糲能安禮法疎

料峭春寒合把卮新篇投誦又經時
羹辭彭雉人何饗筆談江花夢已遲
一室所欣無長物百年終此亦宜詩
倘能乘興重來訪莫負將開花滿枝

哭少司空劉公

星焯

日斜庚子斗旋寅千里遙傳噩夢真
薄海文章歐永叔中朝德望李栖筠
南陔賁恨辭黃髮北陸迴光戀

紫宸從此孤寒爭下淚手提風雅竟何人

歷盡宮卿到總司宰官身現剎那時
心如懸鑑留物士苟懷珍定見知述作
命騷空勃炯科名食報有郊祁蹉跎我尙
青衫在慚媿當年說項斯

白門夜雨翦燈紅末座羊曇酒不空京洛兩番塵土夢清淮

一夕馬牛風

戊子冬余以病南下時公自江右典試還朝遇於清江舟次

短書未滅懷中

字焦尾頻憐幾下桐親串深情知已感山邱華屋古今同

隔歲招魂涕未乾

公夫人爲余姑庚寅冬歿于京邸

文昌昨夜失芒寒無多

骨肉中年判如此風裁下壽難一代哀榮遷史傳後時婚嫁

向平歎秋深丹旆燕臺返重爲蒼生哭謝安

溧陽王仲姑貞烈詩

乾隆丙戌七月日卓午西風獵獵寡鵠悲寥天王家仲姑慷慨列兩髦官司走拜里衙爭喧傳此事經今凡七易寒暑欲彰彤管腕弱慚如椽仲姑生長潁江接吾壤延陵公子小小朱絲牽盈盈嬌婉不受紈綺飾二南讀罷早識共姜篇生蓮

怙恃一十有七載長依大母繞膝同眠餐一朝鵲音遠赴會

稽郡

仲姑叔爲
紹興太守

珠沈玉碎自分無生全踞辭大母願作吳氏

嬪有志不遂飲涕空漣漣吞鉛服金輾轉不得死貌似春月
心似秋深蓮人生就義那苦果無術英雄失足都在遲迴間
青天照心白練託同體重泉寂寂可識吳郎顏西山薇蕨干
載有生氣獨行其是衆乃訾其偏紛紛翟芴草木笑同腐始
知風霜卽是天心憐竭來靈旗返葬夫壠側枝橫連理不惹
靡蕪煙豈無

大家綽楔史官筆樂言名教安敢辭無權吁嗟仲姑貞魂終
不泯長共蓉湖潏水清潏潏

莊大

新

歸知都下人傳余爲已死

天涯誰慰故人驚
石火流光事幾更
欲殺才名豈供奉
誤傳消息竟端明
十年浪跡遲聞道
一病清時儼寄生
今日鶯花重握手
酒燈棋雨認前盟

小樓

曉夢惺忪燈影斜
小樓寒氣入牕紗
心情今夜如春雨
點點隨風到落花

游安瀾園歸舟有懷

涉園日易晡
解纜月已高
親懿暫言歡
朋游悵莫招
濁醪消別緒
荒柝起短宵
撫時春晚晚
問路川迢迢
輾轉不成寐
啟明懸樹梢

登煙雨樓

打槩南風競滌湖浪壓隄登樓今四度拂蘇帳前題人爲嬉
春集花因餞雨齊踐游還訪舊落日指雙溪

秀州城外阻風歌

三月十五夜雨宿小山居
月蝕不見十六日早發作

飛廉昨夜揚鞭鞘黑雲如蓋張空郊蝦蟇無光畏人笑故作
狡獪迷其巢我來訪舊秀州野中宵魂夢驚難交侵晨解纜
風愈猛十槩九卻舟如膠急雨頻添十尺漲荒簷盡捲三重
茅故園此日慈母壽是日爲吾
母生辰弱妻幼弟羅嘉肴而予閉置
似新嬾手腳蹣跚身如拋豈無村酒不成醉縱有鮮鼈難爲
魚今春風雨盛往歲久旱必潦堪推敲風波順逆況難料芥
舟往往停堂坳輾轉不知昏曉變村雞忽聽鳴咬咬掀篷笑
呼篙師起旭日已掛青松梢

憶昔篇寄黃秀才

景仁

姑孰

憶昔復憶昔，青天易旋轉。穆王八駿老，瑤池日光短。香蘭笑
春風，嬌桃啼露眼。去日何堂堂，及此申款款。昨歲雙魚來，江
寒水清淺。剖書得君心，明月當天滿。上言勸加餐，下言篤躬
踐。青鸞栖擇樹，紫鳳聲諧管。九河本同流，清濁各迥演。元精
貫列星，窮海哭萬卷。麻衣空黑肥，海水傾難澣。不見芴蘿邨，
艷色亦偶顯。殘貴一瓣香，錦衾夢應斷。時周惡損爍，羲和久
沈湎。蠟灰蠶亦死，彭咸失其算。憶昔復憶昔，勸君莫憂懣。且
斟琥珀醪，一泛琉璃盃。青山對茫茫，采石歌緩緩。有地不行
樂，飲河笑颺颺。仰視空中輪，西行聲不返。

遊支硎山

放鶴鶴不歸待月月不至寒泉空自流澄觀靜人思石室雖
蔽身浮雲偶然寄遠矣支道人寥寥赴同志

寒山望趙凡夫墓

架壑疏泉知幾回一抔隔斷白雲隈偏君身後猶難隱異代
曾邀

翠輦來

千尺雪歌

支硎右轉峰高攢巒光如畫侵眉端中有元精在山骨六丁
呵護誰相殘凡夫處士真健者斲削不使形神完手提剛斧
向山截砮然天地開奇觀神靈駭走造化洩銀河瀉出流人
間青天飛雨夏飛雪無風不斷聲潺潺蕭然冷色上鬚鬢到

此始信山稱寒匡廬面目安可識餘波往往驚塵寰嗟我衣
塵滿十斛枕流洗耳緣終慳何當更招聽雪伴疎簾清簟過
經年

法螺

佛髻層層上樓臺架絕崖畫圖開獨面花雨墮空懷游客乘
春令山僧閉靜齋莫嫌城市近只此已幽佳

謁范文正公祠

有宋推仁廟惟賢得范公勲名韓富上學術洛閩同憂樂關
天下明良慶日中松楸瞻舊里廟貌肅清風少卽門傾蔭身
隨母轉蓬焚膏常莫繼劃粥僅能充爲相基初志登朝勵匪
躬從游環弟子矯節倡羣工伏閭方冠豸行車遽畫熊不辭

賢有過敢計世稱忠心戀堂廉上仁漸淮海東一圖澄仕職
四論動皇衷畢竟蠅難遣何傷玉被攻已成朋黨禍不顧廟
堂空臣節堅升降君心鑒始終叩頭原釋憾緩帶請臨戎但
自籌帷幄宜煩關鳥蟲主憂爭一出興頌洽千僮老子威聲
重諸羌恩意通邊州人共化政府望逾崇盡瘁曾無逸持盈
益示冲褒賢榮贈卹畫像泣帨幃地秀人鍾毓天平氣鬱葱
發祥追水木流澤逮裘弓四子冠裳配千秋俎豆隆君看義
莊設此舉已無窮

天平山紀游

登山必登高窮境必窮僻平生多讓人茲事勇於役栽栽天
平山吳中最奇蹟我來方暮春山光翠流液同行二三輩憚

險皆踧踖名山在目前敢爲疲軀惜非官笑卻與未老辭扶
策千林壓徑低萬笏參天碧有泉號白雲山椒流瀾瀾老僧
爲煎茶飲之風滿腋披煙入漸深得境矜創獲龍門峙當空
青天畱一隙逡巡側兩足偃僂攀千尺豈爭函關過何假神
禹擘踰此壘鳥幽回頭塵世隔怪石空中來賦形類逾百爲
屏天可障欲墜手堪摘或伏如臥龍或翔似勁翮高擎華蓋
松俯倚溫山栢由中而歷頂過午幾忘夕頻畱贊公房未倦
阮生屐石室僅容身低雲常覆額蓮花絕巘開不畏高寒偃
遙視具區流杯中一泓白須臾風怒號慘淡山凝墨欲立難
久畱尋途暗捫壁燈火照前山鐘聲送歸客

亦有生齋集詩卷第三

子·昶

校字

姪學彭